

# चोरां ओले बाइबल

प्रकाश चन्द्र मईडा

आदमी नी दुक  
नी शुरुआत



प्रकाश चन्द्र मईडा: Edward Hughes  
Illustrated by: Byron Unger; Lazarus  
Adapted by: M. Maillot; Tammy S.  
प्रकाश चन्द्र मईडा: ???  
Produced by: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada


©2015 Bible for Children, Inc.  
License: You have the right to copy or print this story,  
as long as you do not sell it.




परमेश्वरे होत्तु बणावीयु। पेलां परमेश्वर  
आदमी ने बणावीयो, आदमी, वु ऐनी बड्डी  
हवा हाते वगीचा मे रेता अता. ये बे जणा  
खुशी थी रेता अता परमेश्वर नी आग्या मानी  
ने अने ऐनी उपस्थिती हाते  
अती पण एक दाडो।



परमेश्वरे क्यु की आ  
रूकड़ा नु फल नही खावा  
नु? "हापे पुसीयु हवा ने."  
आमु सब फल खाइ सका  
पण एक फल नही, "हवाये  
क्यु. अगर आमु ये फल  
खां या अढां तो आमु मरी  
जांगां." तमु नही मरोगा  
चतुर हाप बोलीयो।





"तमु परमेशवर जेवा  
थाइ जाओगा." हवा  
ये रूकडा नु फल खावा  
मागती अती. हवाये हाप  
नी वात मानी अने ये  
रूकडा नु फल खादू।



हवाये परमेशवर नी आग्या नही मानी  
फसी आदमी ने पण हवाये फल खावा  
ओले तयार करीयो अने खवडावीयु  
आदम में कयु होगा "नही"। हु  
परमेशवर नु वचन  
नही तोडु।





जब आदम अने हवाये पाप करीयू, बेयू  
जणाये खबर पड़ी के ये बन्ने नांगां है रूकडा ना  
पांढड़ा हिवीया जादा, फसी खुद ने ठाकी दीदां  
अने दपाइ गीया परमेशवर नी उपस्थिति थी।



हाजे ठाडी वलीये परमेशवर वगीचा  
में आया ऐणे खबर पडी की आदम अने  
हवाये हु करीयू. परमेशवरे हवा ने दोषी  
गणी, हवाये हाप ने दोषी गणीयो. परमेशवरे  
हाप ने हराप दीदो. बइरी ने खुब दुकेगा  
जब वो सोरू जणेगा। आदम तें पाप  
करीयु, इतरे आ धरती पर हराप आयो  
काटा अने उटकटारा उगेगा. तु  
कडी मेनत अने पसीना नी  
कमाइ थी खाया करेगा।







परमेश्वरे आदम, हवा ने  
वगीचा थी काठी दीदां केम  
के एणये पाप करीयु,  
परमेश्वरे आलीयो  
ये जीवन थी  
अलग थाइ  
गीया बेउ।





परमेश्वरे फरवा वाली तरवार राकी  
दीदी ये लोको ने काढी ने. परमेश्वरे  
चामड़ा ना कपडा बणावीयां  
आदम अने हवा  
ओले. परमेश्वर  
ये चामड़ू कटे  
थकी लावीया?




आदम अने हवा ने परिवार मां एक सदस्य नु जनम थायू. ये लोको नू पेलो बैठो केन, ये खेती करवा वालो वणीयो. ये लोको नू बीजो बैटो हाबील एक गोवालीयो बणीयो। एक दाडो केन थोडी सब्जी लावीयो परमेशवर ने बैठ (दान) करवा.

हाबील लावीयो एक केठलुं परमेशवर ने बैठ करवा. परमेशवर हाबील नी बैठ थी खुस थाया।



परमेशवर केन नी बैठ (दान)  
थी खुश नही अता. केन ने खुब  
गुस्सो आवीयो. पण परमेशवरे  
क्यु, "यदि तू सई हुहै ये करे,  
तो हु स्वीकार नही करू?"




केन नू गुस्सो खतम नही थायो.  
थोड़ा समय फसी खेतर में हाबील  
ने मारीयो - अने ये मरी गीयो।



परमेश्वरे केन ने पूसीयु. "थारो भाई क्कियां है, हाबील?" "मु नही जाणतो" केने कयू. "ऊ मारा भाई नू गोवाल हूँ?" परमेश्वरे केन ने दण्ड आलीयो ऐनी खेतीवाडी थी दुर करीयो अने बगोटो बणावी दीदो।



केन परमेशवर नी उपस्थिति थी दुर जातो रीयो. ऐणे लगन करीयू  
आदम अने हवा नी सोरी हातें ये लोकोएं एक परिवार बणावीयो।  
जल्दी थी, केन नै चौरां ना चौरां थायां ऐनी  
थी एक बाजार बराड् गयू जो ऐणे  
स्थापित करीयू अतु।



ये समय मां आदम, हवा नो परिवार जल्दी  
थी फैलीयो. ये दिवसो मां लोको दुर-दुर रतां  
अतां पण आज तो नजीक नजीक मा रहे हे।





जब ऐनो चोरो शेत पेदा थायो, हवाये क्यू,  
"परमेशवरे मने हाबिल नी जगअ शेत आलियो."  
शेत ईशवर भक्ती वालों आदमी अतो ये ११२  
वर्ष जीवियो अने ऐने खुब चौरां पैदा थायां।



आ दुनियां मा, मनका पापी बणी गीयां और पाप  
बढतु गीयु एक फसी एक पीढी दर पीढी मां,  
परमशवरे विचार करीयो की खतम करी दु  
आ मानव जात ने। सब जानवर ओर  
पक्षी परमेशवर ने खुब  
दुख थायु मनक ने  
बणावीने.



पण एक आदमीये  
परमेशवर ने खुश  
करी दीदा।




આ આદમી નૂહ. શેત નૂ વંશ અતો, નૂહ એક ધારમિક અને  
દોષ વગર અતો. યે પરમેશવર ને હાંતેં ચાલતો અતો। એણે મી  
હિકાડીયું યેની ત્રીન ચૌરાં ને પરમેશવર નૂ ડર  
રાખવા. યેવાં પરમેશવરે યોજના બનાવી  
નૂહ ને ઉપયોગ કરવા ઓલે  
કોઈ ખાસ અને  
અજાણિયેં સ્તે.



आदमी नी दुक नी शुरूआत  
एक वारता परमेशवर ने वचन मां थी बाईबल  
में मले हे  
उत्पत्ती 3-6

"शुरू मां थारा वचन थी प्रकाश मले।"  
भजन सहिता 119:130





2



60



आ बाईबल वार्ता के हे आपडा परमेश्वर ने बारा मा जेणे आपडाने  
बनावीया वु चाहे हे की आपडे ऐने जाणीये।

परमेश्वर जाणे हे की आपडाऐ खराब काम करीयाँ, ऐने वु पाप के हे।  
पाप नो परिणाम तो मोत हे, पण परमेश्वर तमारे खुब प्रेम करे इतरे ऐणे  
खुद नु बेटो मोकलीयो, यीशु, कुस उपर मरीयो तमारे पाप ने दंड ओले।  
फसी यीशु फांसो जीवतो थायो ने स्वर्ग वाला घर मा गीयो। अगर तमो  
यीशु पर विश्वास करो ने ऐने थी मागो की तमारा पाप माप करे, तो वु  
माप करेगा, वु आवेगा ने तमारा मे रेगा ओर तमो हमेशा ऐने हातें रोगा।

अगर तमो विश्वास करो की आ हांसु हे तो ऐम को परमेश्वर ने: वाला  
यीशु मुं विश्वास करु हु कि तु परमेश्वर हे, अने मारा पाप नी लीधे तु  
आदमी बणीयो मरवा ओले, अने तु आज जीवतो हे। तमे मारा जीवन मा  
आवो ने मारा पाप माप करो तो मने मले नवु जीवन, ने ऐक दाडो थारे  
हातें जाउगा हमेशा ओले मने मदद करो थारो भय राखवा मा अने थारु  
बालक बणीने रेवा ओले, आमेन।

बाईबल वांचो ने वात करो रोज परमेश्वर थी। युहन्ना 3:16

